

بيست ءهٲٲ مارٲچ

در دنا كين زندے ءبنذات



پنناك | بلوچ راجي زر مبشٲ (بي راين رايم)

بیست و ہفت مارچ

دردناکیں زندے و بندات

مڑاھداریں بلوچ!

بلوچستان و ہمک روج سیاھیں روچے پرچا کہ بلوچ و زندمانی و چوشیں روچے نہ گوزایت کہ زور بیگواھی و ویلے مہ بیت، ژانگولیں کنٹے دست مہ کپ ایت، دورگیں میڑ و مچی ڈنڈانی پارست و بلوچ جھدکارے و کھولے زھنی و بالادی آزار دیگ مہ بیت۔ سرجمیں بلوچستان و جاور انچوش آنت بلوچ و زندمانی و شزارانت۔

بیست و ہفت مارچ پہ بلوچ راج و انجیں سیاھیں روچے کہ پاکستان و آئی و ٹراگیجاں بلوچ گلزمین گپیتگ و بلوچ راج رُبیدگ، چاگرد، وانگ و گزراکی تک و نیز گاریں زندے و گوازیگ و لاچار کنگ بیتگ۔ بیست و ہفت مارچ اے دردناکیں زندمانی و بنداتی روج انت کہ ایشی و بلوچ راج پجار و جیرہ و دیمپان کرتگ۔ چہ اے دردناکیں زندمان و درکپگ و راہ بلوچ راجی آجونی و

گھگھیری انت۔ چه گھگھیری ء ابیدناں چه دردناکیں زندمانی ء در کپگ بیتگ ء
ناں که چه پاکستانی زوراکی ء بے سنگیں زند ء۔

باسمائیں بلوچ!

اگاں بیست ء ہیت مارچ ء رستی ء بہ چارے پدر بیت کہ دومی جہانی جنگ ء
وہدے بر تانیائی سرکار گزرائکی ء جنگ ء تک ء تاواناں دوچار بوت گڑا
بر تانیاء مہتر ہند ء اے دگ ء وتی بالادستی ء بر جاہ ء دارگ ء ہندوستان بھر
کرت ء چه ہندوستان ء پاکستان رنگیں مہتر ہندے ودی کرت، کمک ء
آسرائی دات ء گوں پندل ساچی ء بلوچ گلزمین تچ گپت ء دات۔

گوستانکی گواچن ء دستاویز اے گپ ء منارین انت کہ 11 اگست 1947 ء
بر تانیاء سرکار ء ناں ایوک ء بلوچستان ء آجوتی ء جار جنگ بلکیں بلوچستان ء
آزاتیں بستار پاکستان ء بر تانیادوینیاں من اتگ۔ گوستانک گواچن کنت کہ
بلوچستان ء آجوتی ء روج ء ہان بلوچ میر احمد یارہان ء گوں مردماں ثران
کنان پہ بلوچستان ء ایمنی ء یکجاہی ء بر جاہ دارگ ء دیہونی دیگ ء مسام ہم
کرتگ۔

گلزمین ۽ پسگاں!

بلوچ راجی گوستانک ۽ اے گپ نبشته انت کہ میر احمد یارھان ۽ بلوچستان ۽ پہ
 کراہی دیگ بوتگیں دمگانی پد گرگ ۽ پاکستان ۽ مزن واکدار محمدالی جنا
 بلوچستان ۽ وکیل نامینتگ۔ بے چه وتی ذروکنیں (دھوکا بازیں) ابرم ۽
 لاچاریں پاکستان ۽ پندل کرت ۽ بلوچستان ۽ کراہی گپتگیں دمگانی واترکنگ
 ۽ جاہ ۽ میر احمد یارھان ۽ دیم ۽ گوں پاکستان ۽ هواریگ ۽ پیشنهاد ایر کرت
 کہ بلوچستان ۽ جھلی پارلیمان ۽ برزی پارلیمان ۽ رد کرت ۽ گوں پاکستان ۽
 هواریگ ۽ بگیری ۽ جنگ ۽ گھگیری ۽ جارهم جت۔

گلزمین ۽ گیدریں پسگاں!

پندلانی ذرچ دراج بیان بوت ۽ گڈ سر ۽ 17 مارچ 1948 ۽ لسبیلہ، ہاران ۽
 مکوران ۽ استان گوں پاکستان ۽ ناراهی هواریگ بوت انت ایشی ۽ بگیری ۽
 بلوچ راج ۽ ترندیں گھگیری کرت، پاکستان ۽ 27 مارچ 1948 ۽ کلات ۽ سر ۽
 لشکر کشی کرت ۽ بلوچستان زور گپت، سیاسی باسک دزگیرکنگ بوت انت۔

ہماروچ ۽ پرکاریں سیاسی گل کلات اسٹیٹ نیشنل پارٹی ۽ سر ۽ پابندی جت،
 اے نارامی ۽ در مردمی کارانی بگیری ۽ آغا عبدالکریم ۽ سروگانی ۽ گھگیری ۽
 بن ہشت ایر کنگ بوت، کہ گوں رددیگ ۽ آسر کنگ بوت۔

بلوچ راج ۽ گوستانک گھگیری گوستانکے، کہ آئی ۽ زور گریں پرنگال ۽ بہ گر
 داں زور گریں انگریز ۽ بگیری ۽ گھگیری ۽ راہ گچین کرتگ ۽ وتی راجی پچار
 پھریز اتگ۔ ہان مہراب ہان کہ آئی ۽ گھگیری مروچی ہم گوستانک ۽ بھر
 انت، آئی ۽ دیمونی داتگ ۽ وت ۽ پہ مدامی ابدمان کرتگ۔ مروچی ہم
 ہزارانی کچ ۽ بلوچ ورنہ پاکستانی آزار جاہاں دردناکیں زند گوازینگ ۽
 انت۔ سداں بلوچ سیاسی نیں گھگیر شہید کنگ بیتگ ۽ مروچی ہمے گھگیری ۽
 پد ۽ جھد کارانی کھول مچی ڈنڈ دیگ بیگ ۽ انت کہ پہ پاکستانی مہتر ہند ۽ پروش ۽
 مناک انت۔

بلوچ گلزمین ۽ پشتیداں!

مئے پير ۽ کماشاں همک باریگ ۽ گھگیری گچین کرتگ ۽ وتی پجار ۽ راجی مڑاه
 پھز اتگ۔ مروچی هم مئے راج 'پجار ۽ مڑاه' ۽ سبزینگ ۽ جھد کنگ ۽
 انت۔ مروچی مئے زمه واری بیت که ماپه وتی راجی آجوتی ۽ گھگیری ۽ راه ۽
 گچین به کن ۽ وتی راجی آجوتی ۽ الم کنگ ۽ سیاسی ۽ گھگیری کنوکیں گلانی بھر
 به به این ۽ په آیانی مھکم کنگ ۽ وتی کرد ۽ پیلوبه کن این۔

بلوچ راجی زرمبشتہ (بی این اے)